

السكرتيره الحسناء
بقلم/ نهلة أبو شهبه

~~~~~

تجميع: فيتامين سي  
شبكة روايتي الثقافية

~~~~~

صحيت مدام احلام من النوم على صوت جرس الباب بصت في الساعه
لقيتها 8 الصبح فاستغربت مين هيزورها بدري كده فلبست نظارتها
والروب بتاعها وقامت تفتح الباب ولما فتحت لقيت قدامها بنت اختها
الصغيره شهد وكانت بتعيط جامد اوي فاخذتها في حضنها ودخلتها
جوه وراحت تعملها كوباية عصير عشان تهدي اعصابها وبعد ما
شربت لعصير قالت مدام احلام:

احلام: هديتي؟

شهد: ايوه

احلام: ممكن اعرف ايه اللي حصل بالضبط؟

شهد ابدت تعيط ثاني.....

بصتلها احلام ولقيتها نسخه من اختها الصغيره الله يرحمها شعرها طويل وبني وكيرلي وعينيها عسلي فاتح وبشرتها بيضا بس فيها نمش وطولها 165سم وجسمها مضبوط وشهد كملت 21 سنه من شهرين وبعد وفاة باباها ومامتها عاشت مع اخوها ومراته واحلام حاولت تاخذها تعيش عندها بس اخوها مرضيش ابدًا وبالرغم من ان مراته بتكره شهد الا انه صمم على رأيه وطبعا احلام سكنت بس واضح ان المره ده مرات ابن اختها زودتها مع شهد خالص.....

احلام: عملتك ايه المره دي؟

شهد وهي بتعيط: طردتني عشان مش موافقه اتجوز اخوها احلام: هي حصلت خلاص انتي مش هترجعي بيتهم تاني ومادام اخوكي مش عارف يحافظ عليك انا هخليكي معايا وهحطك فعينيه شهد: وهتقولي ايه لابييه هشام؟

احلام: ملكيش دعوه قومي خدي دش وادخلي نامي في الاوضه الثانيه شهد قامت ودخلت الحمام وهي تحت الميه قعدت تفكر كانت هتعمل ايه لو مكنتش طنط احلام موجوده في الدنيا بعد موت مامتها وباباها وقررت شهد انها لا يمكن ترجع عند هشام ومراته تاني

ابدا.....

الساعه 12 الظهر رن جرس الباب فخافت شهد فاحلام قالت:

احلام: ادخلي جوه ومتخرجيش

شهد: هتعملي ايه معاه؟

احلام: متخافيش يا حبيبتي

فتحت احلام الباب ولقيت هشام واقف فقالتله:

احلام: ادخل يا هشام

هشام: صباح الخير يا طنط ،فين شهد؟

احلام: اختك عندي من بدري بعد ما مراتك طردتها

هشام: شيماء مكنش قصدها تطردها

احلام: بص يا هشام مراتك مضايقه من وجود اختك صح ولا لأ؟
هشام: لأ طبعاً ده بيتي

احلام: و بيتها هي كمان ومن حقها تعيش فيه براحتها

هشام: يعني اسيب اختي تعيش بعيد عني؟

احلام: بص يا هشام انا من بعد وفاة جوزي وانا عايشه لوحدي سيب
شهد تعيش معايا وبكده كلنا هنرتاح

هشام: والناس تقول ايه؟

احلام: الناس مش هتتكلم لو انت قلت اني انا اللي طلبت ان شهد تعيش

معايا عشان انا حاسه بوحده

هشام: حضرتك شايفه كده؟

احلام: صدقتي ده احسن حل

هشام: طب ممكن اشوف شهد قبل ما امشي؟

احلام: شهد تعالي سلمي على اخوكي

شهد جت واول ما شافت هشام حضنها جامد وقالها: انا آسف على كل
اللي حصل

شهد: انت ملكش ذنب

هشام: خلي بالك من نفسك

شهد: متقلقش عليه

ومشي هشام وهو بيمسح دموعه عشان شهد هتعيش بعيد عنه بس
المشاكل بينه وبين شيماء بسبب شهد زادت اوي وهو تعب.

احلام: يلا بقى عشان هننزل نتغدى في النادي

شهد بصت لهدومها وقالت: لأ انا مش عايزه اخرج

احلام: بصي يا شهد انا ربنا مرز نقيش بأطفال فعائز اكي تعتبريني زي
مامتك الله يرحمها ، اتفقنا؟

شهد: اتفقنا

احلام: اول حاجه هنروح نشترلك لبس كتير وبعد كده هنتغدى في

النادي وبعدين نفكر هتعملي ايه الفتره اللي جايه
شهد حضنت احلام جامد وحست ان الدنيا هتضحكها لأول مره من يوم
موت مامتها

**

نزلت شهد مع مدام احلام واشترت لبس كثير وشيك وكانت شهد
فرحانه اوي لأنهامكنتش بتقدر تطلب حاجه في بيت هشام عشان مراته
كانت بتزعل وبعد كده راحوا اتغدوا في النادي ورجعوا البيت بالليل
ونامت شهد في اوضتها وتاني يوم صحيت بدري لقيت مدام احلام
بتفطر وهتنزل شغلها فقالت:

شهد:صباح الخير يا طنط

احلام:صباح الخير يا حبيبتي،ها نمتي كويس؟

شهد:جدا جدا

احلام:انا هروح الشغل وانتي اقدي ارتاحي والشغاله هتيجي الساعه

10 تعمل كل حاجه

شهد:او كيه

احلام :عايزاكي تفكري عايزه تعملي ايه الفتره اللي جايه؟

شهد:مش عارفه

احلام:يعني تحبي تاخدي كورسات او اي حاجه تشغل وقتك؟

شهد:انا اخدت كورسات انجليش وكمبيوتر لما كانت ماما عايشه ومش

محتاجه تاني

احلام :برده فكري عقبال ما آجي

شهد:حاضر

ونزلت احلام وفضلت شهد قاعده على الكمبيوتر تشوف اخبار الدنيا

وكل شويه الشغاله تسألها تشرب حاجه وحست شهد انها اكيد بتحلم
بعد كل المشاكل في بيت اخوها وخرافات مراته معاها بقت عايشه في
هدوء بس يا ترى هتفضل عايشه كده من غير ما تعمل حاجه

مفیده؟؟؟؟؟؟؟؟؟؟؟؟؟؟؟؟؟؟؟؟؟؟

رجعت مدام احلام الساعه 7 المغرب و غيرت هدومها وقعدت تتعشا مع
شهد:

احلام:ها يا حبيبتي عملتي ايه انهارده؟

شهد:قعدت عالنت واتفرجت عالتليفزيون

احلام:طب فكرتي عايزه تعملي ايه؟

شهد:آه فكرت

احلام:ها قولي؟

شهد:انا عايزه اشتغل

احلام:تشتغلي؟

شهد:ايوه يا طنط انا لازم اخرج للدنيا واشوف ناس وكمان اكسب
فلوس

احلام:طب وعايزه تشتغلي ايه؟

شهد:بصي يا طنط انا خريجه تجاره انجليش ومعايا كورسات كتير

فمتهيا لي سهل الاقي شغل

احلام:طيب سيبيني افكر وارد عليكي

شهد:ربنا يخليكي ليه يا احلى خاله في لندنيا

وبعد اربع ايام الصبح كانت شهد قاعده بتتفرج عالتليفزيون رن تليفون

البيت:

شهد:الو

احلام:كويس انك صاحيه

شهد:خير يا طنط في حاجه

احلام:عندي ليكي خبر حلو اوي

شهد:خير فرحيني؟

احلام :عايزاكي تقومي تلبسي البدله البيج اللي اشتريناها سوا وتحطي
ميك اب رقيق وتجيلي الشركه اللي بشتغل فيها خلال ساعه

شهد:طيب بس قوليلي فيه ايه؟

احلام :سكرتيرة المدير خدت اجازة وضع وانا رشحتك تاخدي مكانها

شهد:بجد طيب قوليلي العنوان

احلام:اركبي تاكسي وقوليله الشركه المتحده للتسويق العقاري

شهد:خلاص استتيني انا جايه

احلام:اوعي تتأخري

شهد:لا طبعا باي

احلام:باي يا حبيبتي

وجريت شهد على الحمام خدت دش بسرعه ولبست البدله البيج وكان

بنطلونها ضيق والجاكت قصير ولبست تحتها بادي بني وشوز بني

بكعب وشنطه صغيره بني

بس كانت متدايقه من شعرها مكنش بيتعمل اي حاجه غير انه يفضل

مفروود ونازل كيرلي وتقليل جدا وهي كانت مش بتحبه بس مفيش وقت

تروح للكوافير وحطت ميك اب خفيف ونزلت وركبت اول

تاكسي.....

في الشركه كان معتصم قاعد مدايق اوي عشان السكرتيره خدت اجازة

وهو مش عارف يلاقي اي ورق محتاجه بس كان مستني السكرتيره

اللي قالت عليها مدام احلام مديرة العلاقات العامه وفضل

مستنيها.....

بعد ساعه سمع معتصم خطبه على باب مكتبه وافتتح الباب ولقي مدام

احلام داخله وبتبتسم ووراها بنت صغيره اوي في السن وشعرها كتير

اوي وعينيها واسعه وبريئه وكان وشها احمر من الكسوف

دخلت شهد ورا خالتها مكتب المدير ولقيت شاب ممكن يكون في اوائل
التلاتينات قاعد على مكتب فخم جدا ولابس بدله رمادي فاتح وتحتها
قميص اسود وبشرته سمرا وعينية سودا بس واسعه اوي وشعره
اسود وناعم وطويل ولقيته بيبصلها من فوق لتحت فادايقته جدا وكانت
عايزه تجري من ادامة

احلام: صباح الخير يا معتصم

معتصم: صباح الخير يا مدام احلام

احلام: اقدمك شهد السكرتيره اللي كلمت حضرتك عنها

معتصم: اتفضلي اقعدى يا شهد

شهد: صباح الخير يا فندم (ومدت ايديها تسلم عليه ومسك ايديها جامد
وهي حست بان جسمها كله بترعش وقعدت على الكرسي)

معتصم: اتفضلي حضرتك يا مدام احلام

احلام: عن اذنكوا

معتصم فضل يبص لشهد و شهد عايزه تقوم من ادامة عشان شكله
مقتنعش بيها

معتصم: انتي اتخرجتي امتى؟

شهد: الصيف اللي فات

معتصم: يعني من شهرين؟

شهد: ايوه

معتصم: معاكى كورسات؟

شهد قدمته ملف فيه كل الكورسات اللي خدتها وكمان التدريب بتاع
الكلية

معتصم بص في الملف وضحك: ده انتي شكلك شاطره اوي

شهد: حضرتك تقصد ايه؟

معتصم: اصل بصراحه شكلك صغير اوي

شهد: طب ما حضرتك صغير على انك تكون مدير شركه

معتصم: معاكى حق بس انا مسكت الشركه بعد ما بابا تعب وبعد ما
علمنى كل حاجه

شهد: انا مقصدش كده انا قصدى ان السن ملوش علاقه بقدرات
الانسان

معتصم: يعنى انت قد الشغل معايا
شهد: ان شاء الله

معتصم: طب بصى انا هوافق انك تشتغلى شهرين تحت التدريب
شهد ضحكت جامد اوى وعينيها كانت بتلمع من السعاده: ان شاء الله
هكون عند حسن ظن حضرتك

معتصم: والمرتب فى الفتره ده 3 الاف جنيه
شهد: او كيه

معتصم: تيجي بكره الساعه 7 ومدام احلام هتفهمك نظام الشغل
شهد: او كيه عن اذن حضرتك

وخرجت شهد وفضل معتصم يبص عليها وهو مش مصدق انه وافق
يعين بنت صغيره كده سكرتيره بس قعد يضحك عشان حس انها
شخصيه قويه وعائزه تحقق حاجه فى

حياتها.....

خرجت شهد من مكتب معتصم لقيت احلام مستنياها : انا اتعينت
احلام: بجد

شهد: اه وكم ان هيدىنى 3 الاف جنيه تخيلي
احلام : مبروك يا حبيبتي

شهد: انا هآجي بكره الساعه 7 الصبح

احلام طيب تعالى معايا اعرفك النظام ايه فى الشركه وكم ان اعرفك
مكان الملفات والاوراق المهمه.....

**

الحلقة الثالثة

تاني يوم صحيت شهد الساعة 6 الصبح ولبست جينز ازرق فاتح وقميص ابيض قصير وسابوه ابيض عالي وشنطه بيضا وطبعا شعرها مفروود عشان ملوش حل تاني وحطت ميك اب هادي لونه بينك وشربت نيسكافيه ونزلت عشان متأخرش ووصلت الشركه الساعة 7 الصبح ودخلت مكتبها وكان صغير بس ليه بابين واحد منهم على مكتب معتصم فقعدت وابتدت تحضر الاوراق اللي قالت عليها مدام احلام وكتبت مواعيد معتصم على الكومبيوتر والساعة 8 سمعت حركه في مكتب معتصم بصت من الباب اللي بين مكتبها ومكتبه لقيته دخل وهو لابس بدله كحلي مخططه بابيض وتحتها قميص ابيض وقلع الجاكت وعلقه على الشماعه وقعد على مكتبه وابتدى يفتح اللاب توب بتاعه

فدخلت شهد وقالت: صباح الخير يا فندم

معتصم: صباح الخير يا شهد يا ريت بلاش يا فندم ده

شهد: ازاي يا فندم؟

معتصم: انتي محسساني اني عجوز

شهد: لأ طبعا حضرتك مش كبير خالص

معتصم: طيب قوليلي معتصم

شهد: زي ما تحب يا معتصم اتفضل ده مواعيد انهارده وده الاوراق

الي هتراجعها قبل الاجتماع بتاع انهارده

معتصم: خلصتي كل الحاجات ده؟

شهد: انا هنا من الساعة 7

معتصم: طيب ممكن تعملي فنجان قهوه مضبوط

شهد: نعم؟؟؟؟؟؟؟؟؟؟؟؟؟؟؟؟

معتصم: بعد اذنك يعني اصلي لسه مفطرتش

شهد: اوكيه (وخرجت وهي متغاضه عشان هي سكرتيره مش شغاله هنا)

وبعد ما خرجت فضل معتصم يضحك عشان حس انها ادايقت مع ان سميره السكرتيره اللي قبلها كانت بتحضره ياكل عشان كان بينسى ياكل طول اليوم بس حس ان شهد مختلفه فيها حاجه بتشده ميعرفش ايه؟ بس اكثر حاجه لفتت نظره شعرها ولونه وتسريحته حلوين اوي وكمان عينيها اللي علطول بتلمع.....

سمع معتصم خبطه عالباب ولقي شهد داخله بصينيه عليها قهوه وكرواسان وكوباية ميه وقالت: اتفضل

معتصم: ميرسي، مش هتفطري معايا

شهد: لا انا فطرت عن اذنك

معتصم: اتفضلي

خرجت شهد ودخلت مكتبها وهي متغاضه وبعد شويه جت مدام احلام تظمن عليها ولما حكته شهد اللي حصل ضحكت احلام وقالت:

احلام: ايه اللي زعلك في كده؟

شهد: هو انا الشغاله بتاعته؟

احلام: بس اي سكرتيره بتعمل كده لمديرها

شهد: يعني ايه؟

احلام: بصي يا شهد يا حبيبتي الوظيفة ده مليون بنت يتمنوها ف لازم

تحافظي عليها وبلاش الحساسيه بتاعتك ده

شهد: حاضر يا طنط

احلام: يلا اسيبك انا بقى عشان عندي شغل كثير

شهد: باي

بعد شويه رن الجرس اللي بينادي بيه معتصم على شهد فردت:

شهد: تحت امر حضرتك
معتصم: تعالي لو سمحتي
شهد: حالا

ودخلت شهد المكتب وطلب منها معتصم تكتب على الكمبيوتر اللي
هيقوله وابتدت شهد تكتب كل الكلام واكتشفت ان معتصم جد جدا في
شغله والوقت معاه بيعدي بسرعه من غير ما تحس وبعد ما خلص
بصت في الساعة لقيت ان بقالها ساعتين بتكتب متواصل وحست ان
ظهرها وجعها اوي فمعتصم قال:

معتصم: كتبتى كل حاجه؟
شهد: ايوه

معتصم: طيب ممكن تاخدي راحه نص ساعه وترجعي تاني
شهد: انا لسه متعبتش

معتصم: لا ده وقت الراحة بتاعك روعي كلى اي حاجه في البوفيه
شهد: وحضرتك مش هتاكل
معتصم: لا انا ورايا شغل كثير
شهد: طب عن اذنك

معتصم: اتفضلي، وقد يكمل شغله على الكمبيوتر
نزلت شهد البوفيه ولقيت اغلبية الموظفين قاعدين بياكلوا فقعدت في
ترابيزه عليها بنتين من سنها اتعرفت عليهم منه وساره وهما في قسم
العلاقات العامه واول ما عرفوا انها سكرتيرة معتصم ابتدوا يسألوها
بيعاملها ازاي ورأيها فيه ايه؟

شهد قالت: ايه يا جماعه مالكم؟ هو بيعاملني عادي خالص
منه: اصل انا كان نفسي اشتغل معاه

ساره: وانا نفسي بس اتكلم معاه خمس دقائق
شهد: للدرجه ده؟

منه: يا بنتي ده كل الموظفين هيموتوا عليه

ساره: ده عليه احلى عينين شفتهم في حياتي

شهد: مخدتش بالي

منه: يا سلام معقول؟

شهد: انا من ساعة ما جيت وانا بشتغل

ساره: بجد؟

شهد: اه والله

منه: انا بسمع انه جد في شغله بس معقوله للدرجه دي؟

شهد: ده مش بيحس بالوقت خالص

ساره: برده يا بختك

منه: وربنا يكون في عونك

شهد ضحكت وابتدوا يتكلموا في مواضيع تانيه وهما بياكلوا

ساندويتشات ويضحكوا.....

يا ترى هيحصل ايه لشهد تاني يوم في الشغل ؟؟؟؟؟

تاني يوم الصبح وصلت شهد الشغل وكانت لابسه بنطالون قماش زيتي
وعليه قميص قصير لونه بيج فاتح وصاندال بيج عالي وطبع شعرها

مفرود ودخلت مكتبها واول ما جت تقعد سمعت صوت في مكتب
معتصم فاتخذت جدا وراحت تشوف في ايه لقيت معتصم خارج من
الحمام وبينشف شعره بالفوطة ولابس شورت اسود وتيشيرت ابيض
فقالها:

معتصم: صباح الخير يا شهد

شهد: صباح الخير حضرتك جيت بدري؟

معتصم: انا مروحتش اصلا انا نمت هنا

شهد: ايه؟

معتصم: كان عندي شغل كثير عشان عندنا اجتماع مهم انهارده بالليل

شهد: عندنا؟

معتصم: ايه يا شهد انا وانت مش انت سكرتيرتي ولا ايه؟

شهد: ايوه طبعا

معتصم: طب يلا اتفضلي اعمليلنا اتنين نيسكافيه عشان نشربهم وبعد

كده تخلصي معايا الاوراق اللي هحتاجها بالليل

وابتدت شهد تشتغل مع معتصم وتحضرله الاوراق اللي طلبها وكتبت
حاجات كثير على الكومبيوتر وكمان طلب منها تحضر دفتر للملاحظات

عشان تسجل اللي هيقوله اول

باول.....

الساعة 6 المغرب طلب منها معتصم انها تحضر نفسها عشان

هيوصلها البيت في طريقه وهيعدى عليها بعد ساعتين تكون لبست

عشان الاجتماع واول ما ركبت جنبه العربيه شغل اغاني قديمه لمحمد

فوزي وفايزه احمد وشهد استغربت ذوقه في الاغاني فسألها:

معتصم: ايه مش عاجباكي الاغاني؟

شهد: ازاي ده جميله اوي وماما الله يرحمها كانت بتحب محمد فوزي اوي

معتصم: هي مامتك اتوفت امتى؟

شهد: من 5شهور

معتصم:الله يرحمها

شهد سرحت وافكرت مامتها وحنيتها عليها وافكرت اللي حصلها في
بيت اخوها بس حمدت ربنا ان طنط احلام انقذتها من كل

ده.....

معتصم:سرحتي في ايه؟

شهد:لا ابدأ ، هو انا المفروض البس ايه؟

معتصم:بصي يا ستي ده اسمه عشاء عمل يعني تلبسي فستان سواريه

بس مخك وتصرفاتك تكون سكرتيره

شهد:سواريه؟

معتصم:ايه معندكيش؟

شهد:انا هروح اشترى فستان بعد ما حضرتك توصلني البيت

معتصم:وليه التأخير يلا بينا

شهد:يلا بينا على فين؟

معتصم:ايه يا شهد؟ هوديكي المحل اللي بتتعامل معاه اختي فيروز

وهنشتريلك فستان

شهد:بس كده هعطل حضرتك

معتصم:لا انا عايزك انهارده تكوني اشيك واحده عشان انت بتمثلي

الشركه بتاعتنا ولا ايه؟

شهد:طيب (وفكرت شهد انها معهاش فلوس تكفي تمن الفستان بس

فكرت انها هتطلب طنط احلام تيجي تدفع بس كانت مكسوفه جدا)

وقف معتصم ادم محل فساتين سواريه في المهندسين ودخل مع شهد

وهناك قامت صاحبة المحل ترحب بيه:

صاحبة المحل:اهلا اهلا معتصم بيه

معتصم:ازيك يا مدام زيزي

زيزي:نورت المحل

معتصم:منور باصحابه

زيزي: طلبات حضرتك ايه؟

معتصم: عايز اشيك فستان عندك لشهد

زيزي: خطيبة حضرتك؟

معتصم: لا سكرتيرتي الجديده وده اول اجتماع ليها معايا

زيزي: اتفضلي معايا

ودخلت شهد البروفه مع زيزي ونقت زيزي 5 فساتين احمر قصير وضيق، اخضر كات ونازل على واسع، ذهبي ضيق من عند الصدر ونازل بليسيه واسع، اسود طويل وضيق، وبينك فاتح حمالات وقصير ونازل على واسع

فضلت شهد كل ما تلبس واحد تخرج تفرجه لمعتصم ويقول له البسي واحد غيره لغاية ماتعبت خالص وحست انه بيدقق في كل حاجه بزياده وفي الآخر قالها:

معتصم: كلهم مش لايقين عليكي

وقام معتصم لف في المحل ورجع ماسك فستان لونه عسلي لون عينيها ومفتوح من عند الصدرو بكم ونازل على ضيق وليه فتحه من الجنب وعليه تطريز بخيوط ذهبي وقالها:

معتصم: ممكن تقيسي ده؟

زيزي: ذوقك هایل يا معتصم بيه

معتصم: خبره من ست فيروز اللي كل يوم والتاني بتلفني كل المحلات وخرجت شهد لابسه الفستان وكان شكله جميل جدا واول ما معتصم شافها حس انه بيشوفها لاول مره الفستان كان لايق عليها ومخليها كأنها اميره ماشيه على الارض وكمات عينيها بقت بتلمع زي الفستان وشعرها الكيرلي الطويل والنمش اللي في وشها خلوها حلوه اوي فسألته شهد:

شهد: ها عجبك؟

معتصم: عجبني اوي (وكح عشان صوته يخرج طبيعي)

معتصم: من فضلك يا مدام زيزي هاتي شنطه وشوز للفستان

زيزي: جاهزين يا معتصم بيه

وحضرت زيزي الفستان وحاجاته وحطتهم في علبة كبيره والشغاله حطتهم في العربيه وخرج معتصم وشهد من المحل بس شهد قالت:

شهد: انا لسه مدفعتش

معتصم: مدفعتيش ايه؟

شهد: تمن الفستان

معتصم: بصي يا شهد اي سكرتيره بيكون ليها بدل لبس وده على حساب الشركه

شهد: بس ده كتير اوي

معتصم: انتي سكرتيرة معتصم المسيري

وسكتت شهد لحد ما وصلت تحت عمارة احلام واتفق معاها معتصم انه هيعدي عليها بعد ساعه تكون لبست ومشى بسرعه وهي طلعت جري عشان تلحق تلبس

واول ما خبطت فتحت لها احلام وحكتلها شهد كل اللي حصل فاحلام بصت لشهد ولعينيها اللي بتلمع وحست ان شهد ابدت تتشد لمعتصم فسكتت وابدت تساعدها عشان تلبس وبعد ساعه كانت شهد واقفه ادام المراهيه مش مصدقه انها هي ده اللي واقفه عشان احلام حطت لها ميك اب تحفه بقت عينيها واسعه ورفعت شعرها لفوق بس سابيت خصل على وشها ورقبتها وحدتلها بيرفيوم نينا ريتشي الجديد وكان حلو اوي وحست شهد انها سندريلا ورايحه الحفله بتاعت الامير.....
يا ترى ايه اللي هيجصل في الحفله ؟؟؟؟؟؟؟؟؟؟؟؟؟

نزلت شهد لقيت معتصم مستنيها جنب العربيه وبيتكلم في الموبايل
واول ما شافها بطل كلام وفضل باوصلها وهي اتكسفت فقالها:

معتصم: ممكن اتعرف عليكي؟؟؟؟؟؟

شهد: طبعا طبعا

وقعدوا يضحكوا وفتحها باب العربيه وساق معتصم بس متكلمش طول
الطريق وشهد كانت حاسه انه اتغير فجاء حسست انها مدايقه وبعد شويه
شغل معتصم اغنيه لعبد الحليم حافظ (كفايه نورك عليه)

معتصم: ساكتة ليه؟

شهد: لا ابدأ بس حضرتك مش بتتكلم فقلت يمكن مشغول

معتصم بصلها وقال: ايوه انا فعلا بفكر في موضوع مهم

شهد: هو احنا هنقابل مين؟

معتصم: غالبا اربع رجال اعمال ومساعدينهم والسكرتاريه بتاعتهم

شهد: ممكن اعرف المطلوب مني بالضبط؟

معتصم: المطلوب منك يا ستي تكتبي كل اللي بيتقال وتاخدي بالك من

الملاحظات المهمه

شهد: حاضر

معتصم بصلها وضحك فسألته:

شهد: بتضحك ليه؟

معتصم: اصل شكلك جميل وانتي جد اوي كده

شهد: انا مش جد انا عاديه جدا

معتصم: طيب يلا عشان قربنا نوصل

وقف معتصم ادام فندق هيلتون وساب مفتاح العربيه عشان يركنوها

ودخل لفندق هوه وشهد لقيوا رابيزه كبيره عليها مجموعه رجاله

وستات واول حاجه لاحظتها شهد ان كل الستات اكبر منها وحاطين

ميك اب زياده وفساتين عريانه اوي وقعدت جنب معتصم ومن الناحيه

التانيه كان جنبها راجل عرفها بنفسه انه ابن صاحب شركه كبيره
واسمه رامي واتعرف على شهد ولما شهد بصت لمعتصم لقيته بيتكلم
مع واحده قاعده جنبه بس مقربه منه اوي ولايسه فستان احمر ضيق
جدا وشعرها اسود وطويل وناعم وعماله تكلمه في ودنه ومعتصم
عمال يضحك وبعد شويه اتقدم العشا وكان الاكل حلو جدا وبعد كده
راحوا كلهم لقاعة الاجتماعات وشربوا القهوه وبعد كده بدأوا شغل
وكانت شهد قاعده جنب معتصم وبتكتب كل اللي بقوله بسرعه وعرفت
انه شخصيته قويه جدا وكلهم بيعملوله حساب بالرغم من انه اصغر
واحد فيهم وبعد ما خلص الاجتماع قرروا يسهروا في النايث كلوب
وتحت حسنت شهد انها مخنوقه اوي وعايظه تروح ولسه هتستأذن من
معتصم عشان تمشي لقيت رامي قرب منها وقالها:

رامي:تسمحيلي بالرقصه ده؟

شهد:متأسفه جدا اصلي عندي صداع

رامي:طب تعالي معايا وانا هخليكي تخفي ومسكها من ذراعها وشهد
كانت هتعيط مش عارفه تتصرف ازاي لكن فجأه لقيت معتصم لف
ذراعه حواليتها وقال لرامي:

معتصم:معلش يا رامي بيه احنا مضطرين نمشي

رامي:اتفضل ،فرصه سعيدة يا شهد

شهد مشيت مع معتصم وهي الدموع مالیه عينيها وفي العربية عدت
تعيط فمعتصم قالها:

معتصم:انا آسف

شهد:انت بتعتذر ليه؟

معتصم:عشان جييتي معايا واتعرضتي لسخافة رامي

شهد:حصل خير

معتصم:يعني مسامحاني

شهد:خلاص مفيش حاجه

معتصم: طب يلا اضحكي وخلي عينيكي تلمع

شهد: عيينه تلمع؟؟

معتصم: آه ما انت لما بتضحكي من قلبك عينيكي بتلمع

شهد: يا سلام

معتصم: بجد والله

وقعدت شهد تضحك وراح معتصم اداها منديل تمسح بيه دموعها

ووصلها تحت البيت وفضل واقف لغاية ما ركبت الاسانسير وهو

حاسس انها بريئه اوي.....

وصلت شهد الشقه لقيت احلام مستنياها وسألتها ايه الاخبار وحكتلها

شهد كل اللي حصل ودخلت عشان تنام بس احلام حست انها قلقانه

على شهد من جو الشغل ده وفي نفس الوقت اطمنت ان معتصم معاها

وهيخلي باله منها ، شهد غيرت هدومها ولبست قميص نوم قصر نص

كم مرسوم عليه ميكي ماوس ونامت وهي فرحانه اوي،معتصم فضل

واقف في البلكونه ومش جايله نوم ولقي نفسه بيفكر في شهد بس قرر

انه هيتعامل معاها بعد كده على انها السكرتيره بتاعته وبس عشان هو

مش بيحب يخلط بين الشغل والعلاقات الشخصيه.

يا ترى معتصم هياعملها ازاي ؟ وشهد هتصرف ازاي؟

تاني يوم الصبح وصلت شهد الشركه في معادها وفضلت تخلص اوراق
مهمه وبعد ساعه جه معتصم ودخل مكتبه علطول ودخلت شهد تقدمله
مواعيد انهارده فقال:

معتصم: شكرا يا شهد، من فضلك مش عايز ازعاج انهارده

شهد: حاضر، عن اذن حضرتك

وخرجت شهد وهي حاسه ان معتصم متغير معاها وفضلت طول اليوم

تفكر ايه اللي عملته عشان يعاملها كده؟؟؟؟؟؟؟؟؟؟؟؟؟؟؟؟؟؟؟؟

آخر اليوم دخلت شهد عشان تقوله انها هتمشي ولو كان محتاجها في

شغل تفضل قاعده فقال:

معتصم: لا اتفضلي انت وهو باصص في اللاب توب بتاعه

ومشيت شهد وهي مدايقه جدا وحاسه انها مش مرتاحه وروحت

عاليبيت علطول ودخلت اوضتها عشان تنام.....

بعد ما شهد خرجت من مكتب معتصم ومشيت راح معتصم بص عاليباب

وهو زعلان عشان عاملها وحش بس لازم يعمل كده عشان شهد

بتشتغل عنده وكمان هي صغيره في السن ومعندهاش تجارب فلازم

يعاملها في حدود الشغل بس حس انه مش هيقدر يعاملها كده

علطول.....

وفضل الوضع بين معتصم وشهد كده لمدة اسبوع وبعد اسبوع بالضبط

رجعت شهد البيت لقيت احلام بتحضر شنطة سفر فسألتها:

شهد: خير يا طنط حضرتك مسافره؟

احلام: لا يا حبيبتي احنا مسافرين

شهد: مسافرين فين؟

احلام: هنسافر شرم الشيخ اسبوع

شهد: طب والشغل؟

احلام: ما هو سفر عشان الشغل عشان نسوق للقريه الجديده وهنعمل

معرض كبير

شهد: طب حضرتك ده شغلك وانا هسافر ليه؟
احلام: عشان انت سكرتيرة معتصم ومعتصم هو اللي بلغني انك تسافري
معايا

شهد: وهو هيكون هناك؟
احلام: طبعا ، يلا حضري شنطتك عشان هنسافر الصبح بدري
شهد: حاضر

وراحت شهد اوضتها وابتدت تختار الهدوم اللي هتاخذها معاها وحست
انها فرحانه عشان هتشوف معتصم بره الشركه ويمكن تعرف سبب
معاملته الغريبه معاها

وتاني يوم وصلت شهد واحلام المطار احلام كانت لابسه بدله بني
وتحتها قميص زيتي وشهد لبست جينز اسود وقميص قصير اسود
وفيه خطوط فضي وكانت فارده شعرها ولايسه نظار هي شمس كبيره
سودا وهناك قابلوا معتصم اللي سلم عليهم وفضل طول الرحله يتكلم
مع احلام وشهد كانت متغاضه وعماله تقرا في مجله عشان محدش
يחס انها مدايقه من حاجه ووصلوا مطار شرم الشيخ وهناك خدتهم
عربيه للقريه وكل واحد خد مفتاح اوضته واتفقوا يتقابلوا كمان ساعه
عشان يتغدوا سوا ودخلت شهد اوضتها لقيتها جميله جدا وبتبص
عالبحر ودخلت البلكونه وكانت فرحانه وعماله تدور فلقيت حد بيضحك
بتبص لقيت معتصم في الاوضه اللي جنبها فاتكسفت:

معتصم: عجبك الاوضه؟

شهد: اه جميله اوي

معتصم: ده اول مره تيجي شرم؟

شهد: اه اول مره

معتصم: وايه رأيك؟

شهد: اجمل مكان شوفته في حياتي

معتصم: طب اعملي حسابك بالليل هفرجك على اجمل اماكن هنا
شهد: بجد؟

معتصم: طبعا لازم تتعرفي على المكان عشان تعرفي تساعدني في
المعرض
شهد: او كيه

ودخلت شهد عشان تستعد للغدا فلبست فستان طويل ابيض كات وعليه
صاندا ل فضي وعقد طويل فضي وفردت شعرها وحطت البيرفيوم
بتاعها ونزلت

لقيت احلام واقفه بتتكلم في التليفون فقررت تتمشي لوحدها لغاية ما
احلام تخلص تليفون وفضلت تتفرج على المكان وعجبها جدا تقسيم
القرية والخدمات اللي بتقدمها ومن بعيد لقيت معتصم واقف مع بنت
جميله اوي ولا بسه جيبه قصيره وبادي ضيق فحست شهد انها ادايقت
فقررت تبعد لكن معتصم شافها فنادى عليها

معتصم: شهد

شهد: مساء الخير

معتصم: اقدملك شهد السكرتيره بتاعتي ، ده مايا مديرة العلاقات العامه
في اكبر شركه تسويق عقاري منافسه لينا
شهد: اهلا وسهلا

مايا: هاي

وفضل الكلام عادي عن الشغل والقرية بس شهد حست ان مايا كل
شويه تحط ايديها على معتصم بطريقه غريبه فاستغربت شهد من
تصرفاتها بس عملت نفسها عادي عشان محدش ياخذ باله انها ادايقت
بس معتصم خد باله واستأذن من مايا وخذ شهد على جنب وسألها:

معتصم: مالك يا شهد؟

شهد: لا ابدا مفيش حاجه

معتصم: في حاجه دايقتك؟

شهد:وايه يعني اللي ممكن يدايقتني؟

معتصم:مش عارف

شهد:صدقني مفيش حاجه خالص

معتصم:طيب يلا بينا نتغدى مع احلام

شهد:اوويه

ايه اللي هيحصل بالليل ؟؟؟؟؟؟؟؟؟

وبعد الغدا قعدوا شهد واحلام ومعتصم يتكلموا وشربوا قهوه وبعد كده استأذنت احلام عشان تطلع تنام وفضلت شهد ومعتصم قاعدين فقالها:

معتصم:تحبي تعملي ايه دلوقت؟

شهد:مش عارفه

معتصم:طيب قومي معايا هوديكي مكان يجنن

وقامت معها وركبوا العربيه ووقفوا ادام مكان عالبحر فيه باند غربي بيعزف والاجانب قاعدين يرقصوا وكلهم مبسوطين وقعد معتصم وشهد

على الارض وفضل معتصم باصصلها وهي اتكسفت وقالت:

شهد:بتبصلي ليه؟

معتصم:تعرفي انك اجمل بنت شوفتها في حياتي

شهد:يااااااه للدرجه ده؟

معصم: واکتر یا شهد تعرفی ایه اکتر حاجه شدتی لیکي ایه؟

شہد: ایہ؟

معتصم: ضحكة عينيكي

شہد: لیہ؟

معتصم: فيها لمعه غريبه بتخليني احب ابصلها

شهد سکتت وبصت فی الارض ومعتصم رفع راسها بایده وقالها:

معتصم: بتفکري فی ايه؟

شہد: ولا حاجہ

معتصم: لا يجد

شهد: انت الفتره الى فاتت كنت بتعاملنى بطريقه غريبه؟

معتصم: بصری یا شہد انا کنت خایف اتعلق بیکی اکثر من کده

شہد: واعدین؟

معتمد: وبعدين اتلقت بيكي اكثر من كده بكتيبات

شهد ضحكت ووشها احمر:

معتصم: انتی بریئه اوی

شہد: انا کبیرہ علی فکرہ

معتصم: یاااااااااااا یا شهد مش عارف اعمل فیکي ایه؟

شہد: ہہہہہہ ہتعمل ایه یعنی؟

معتصم: قومی عشان نرقص

وقاموا رقصوا على الرمله وكانت الاغانى سريعه لكن بعد شويه

الاغنيه بقت سلو فقرب معتصم من شهد ولف دراعه حواليتها وابتدوا

یرقصوا وشهد کانت مکسوفه جدا ووشها احمر اوی وبعد کده معتصم

قالها يلا بينا نرجع القرية فشهد استغربت ومشيت معاه وطول الطريق

فضل معتصم ساکت و شهد مہمقتش فاهمه تصرفاته وحست انه كل

شویه بیتغیر بطریقہ غریبہ فز علت وفضلت ساکتہ واول ما وصلوا

القرية نزلت وجريت على اوضتها ومعتصم حس انها زعت عشان

مشيوا فجأه بس غصب عنه مقدرش يتحكم في نفسه وخاف عليها من
نفسه وخاف يقول كلام مش متأكد منه وفضل قاعد تحت عند البيسين
لغاية الصبح اما شهد فضلت واقفه في بلكونة اوضتها تفكر ازاي
تتعامل مع معتصم بعد اللي حصل بينهم وقررت انها مش هتتعامل معاه
غير في الشغل بس.....

تاني يوم الصبح نزلت شهد عشان تفطر وكانت لابسه فستان جينز
كحلي قصير نص كم وعليه صاندال ابيض ونظاره شمس بيضا وكانت
لامه شعرها ديل حصان لفوق وقابلت احلام وقعدت معاها يقرؤوا الجرايد
وبتبص لقيت معتصم جه وكان لابس شورت بيج وعليه قميص نص كم
لونه اخضر وفيه ورود بيج وابيض ولابس كوتشي ابيض واول ما
وصل عندهم عملت شهد نفسها مش واخده بالها:

معتصم: صباح الخير يا مدام احلام

احلام: صباح الخير يا معتصم

معتصم: صباح الخير يا شهد

شهد بكل تقل: صباح النور (وكملة قراية الجرنال)

فقد معتصم جنبها وقالها بصوت واطي: انت مخلصاني؟

شهد: لا طبعاً ده حضرتك مديري

معتصم: مديرك؟

شهد: مش حضرتك مديري برده؟

معتصم: انتي بتكلميني كده ليه؟

شهد: مش انت عايز كده خلاص انا هعاملك زي ما انت عايز (وقامت
عشان تتمشي فمعتصم قام وراها واحلام قعدت تضحك عليهم)

معتصم: استني يا شهد

شهد: افندم اي خدمه

معتصم: ارجوكي حاولي تفهميني

شهد: فهمني انت وانا هفهم

معتصم: يا شهد انا بتشدلك بطريقه عمرها ما حصلت معايا قبل كده

شهد: وعشان كده بتعاملني كده ؟

معتصم: يا شهد انا اكبر منك بكتير

شهد: والله انا مش حاسه انك عجوز

معتصم: يا شهد انت سه معندكيش اي تجارب

شهد: تقصد ايه؟

معتصم: انا خايف اظلمك لو اتقربتك واتعلقتي بيه وفي الآخر طلعت

مش الشخص المناسب ليكي

شهد: من فضلك متاخدش قرارات بالنيابه عني

معتصم: يعني انت حاسه بحاجه من ناحيتي؟

شهد: انا متلخبطه واسلوبك مخليني مش بعرف افكر كويس

معتصم: انا آسف ، تسمحي نبدأ جديد

شهد: اوكيه

معتصم: انا اسمي معتصم

شهدوهي بتضحك: وانا شهد سكرتيرة سيادتك

معتصم: طيب يلا يا سكرتيرتي عشان نفطر وبعد كده اعلمك الغوص

شهد: بجد ؟ انت بتعرف؟

معتصم: ده انا هخليكي تشوفي حاجات عمرك ما تتخيلي انها موجوده

في الدنيا

شهد: طب يلا بينا

معتصم دخل اوضته وهو فرحان ان هو خد قرار واتقرب من شهد
وقرر يسيب الايام هي اللي تقول قراره كان صح ولا
غلط.....

بعد ساعه نزلت شهد تقابل معتصم عند البيسين وكانت لابسه جينز
ازرق ضيق وعليه بادي بينك حمالات وسابو بينك عالي وكانت فارده
شعرها ولقيت معصم مستنيها ولابس شورت كاروهات احمر في بيج
وعليه تيشيرت بيج وشوز بني واول ماشافها وقف وقالها:

معتصم: وحشتيني

شهد: لحقت او حشك

معتصم: هتصدقيني لو قللتك بتوحشيني وانتي معايا

شهد: انت بتبالغ اوي

معتصم: بكره الايام هتثبتك كل حاجه

وراحوا يتمشوا ومسكوا ايد بعض و معتصم قالها انهم هيروحوا كافيه
عالبحر جميل جدا ووصلوا هناك وقعدوا على ترابيزه وطلبوا عصير
اناناس وقعد معتصم يحكي لشهد عن حياته وازاي اتعلم من باباه ادارة
الشركه وحكلها عن اخته اللي اصغر منه وقد ايه بيحبها وشهد كمان

حكيته عن حياتها قبل ما تقابله وازاي كانت متفوقه في دراستها
وفضلوا يتكلموا كتير بس وهما قاعدين جت واحده خبت عينين معتصم
من ورا وفضلت تقوله:

البنـت: حـزر فـزر انا مين؟

معتصم: مش عارف بجد انتي مين؟

البنـت: اخص عليك نسيت صوتي

معتصم: بجد مش عارف

البنـت شالت ايديها وحضنت معتصم جامد وشهد حسـت انها هتموت من
الغيظ فقامت وسابتهم ومشيت وبعد شويه وهي ماشيه لقيت معتصم
جاي وراها وبيقولها:

معتصم: ايه يا شهد قومتي ليه؟

شهد: عشان اسيبك تفتكر براحتك

معتصم: مش معقول كده يا شهد قبل ما تزعلي مني لازم تسمعيني

شهد: اسمع ايه؟ كفايه اللي شوفته

معتصم: لا انت التفاهم معاكي صعب

شهد: انا التفاهم معايا صعب ولا انت اللي كل شويه الاقـيك مع واحده
شكل

معتصم: تقصدي ايه؟

شهد: انت فاهم قصدي كويس

معتصم: انتي بتجكمي عليه من غير ما تسمعيني

شهد: بص يا معتصم انا حاسه انك ليـك علاقات كتير

معتصم: انا؟؟؟؟؟؟؟؟؟؟

شهد: كل اللي شفته بياكدلي الكلام ده

معتصم: يا شهد ده مجرد واحده صاحبت اختي

شهد: وصاحبة اختك بتحضنك ليه؟

معتصم: هي من عيله متحرره وكانت عايشه بره مصر

شهد:يعني لو واحد جه حضني وانا قاعده معاك مش هتضايق؟

معتصم:اكيد هضايق بس هسمعك الاول وبعدين احكم

شهد:من فضلك رجعني القريه انا عايزه انام

معتصم:اتفضلي اوصلك

و ركبوا العربيه ومحدث اتكلم ولا كلمه واول ما وصلوا القريه نزلت

شهد وطلعت اوضتها وقعدت تعيط وحست انها بتغير على معتصم

ومعنى كده انها بتحبه وده اكثر حاجه خلتها تعيط جامد عشان لسه

مش عارفه تفهمه كويس ولا تتأكد من مشاعره

ناحياتها.....

معتصم فضل قاعد في الكافيتريا وطلب قهوه وبعد شويه جت احلام

وقعدت معاه وسألته:

احلام:مالك يا معتصم؟

معتصم:لا مفيش حاجه

احلام:هتخبي عليه ده انا اعرفك من وانت طالب في الجامعه

معتصم:شهد يا مدام احلام

احلام:مالها زعلتك؟

معتصم:مش عارفين نتفاهم خالص وكل شويه حد فينا يزعل الثاني

احلام:طب ما ده طبيعي عشان انتوا لسه بتتعرفوا على بعض

معتصم :بس هي بتشك فيه

احلام:شك ولا غيره؟

معتصم:مش عارف

احلام:لو غيره تبقى بتحبك ،اما لو شك يبقى مفيش ثقه

معتصم:انا حاولت اديها وقت تعرفني اكثر بس مقدرتش ابعد عنها

احلام:بص يا معتصم شهد لسه صغيره ومررتش بأي تجارب قبل كده

فلازم تصبر عليها

معتصم:متشكر اوي يا مدام احلام انك فاهماني

احلام: انا لو كنت معرفكش كويس كان لايمكن اخليك تقرب من شهد ده
بنتي اللي مخلفتهاش

معتصم: انا فعلا حاسس انها متعلقه بيكي اوي

احلام: ده شهد اغلى انسانه في حياتي

معتصم: وانا هحطها فعينيه

احلام: انا متأكده من كده

وبالليل شهد وقفت في بلكونه اوضتها وكانت لابسه شورت جينز قصير

وتيشيرت قصير احمر فحست ان فيه حد يبص عليها لقيت معتصم

واقف يبصلها وكان لابس شورت ازرق وتيشيرت اصفر وقالها:

معتصم: ها هديتي شويه؟

شهد: انا مكنتش متعصبه عشان اهدى

معتصم: طب ممكن تسمعيني

شهد: اتفضل

معتصم: انا بحبك يا شهد

شهد: ايه؟

معتصم: بحبك انت الانسانه اللي مستني اقبالها طول عمري

شهد وشها احمر ومعرفتش ترد عليه

معتصم: يا ترى ايه شعورك من ناحيتي؟؟؟؟؟؟؟؟؟؟؟؟؟؟

يا ترى شهد هترد عليه تقوله ايه؟

بصت شهد لمعتصم وهي مكسوفه وحاسه انها خايفه من اعترافه بحبه
ليها عشان مش متاكده من حبه ليها لانهم بقالهم مده قصيره يعرفوا
بعض فقلت:

شهد: انا اتعلقت بـك التره اللي فاتت وبفكر فيك كتير وببقى فرحانه لما
اكون معاك بس خايفه تكون انت معجب بيه بس مش بتحبنى
معتصم: لا يا شهد انا متأكد من مشاعري ناحيتك بس واضح انك انت
اللي مش متاكده من مشاعرك لسه ، بس انا عايزك تسمحى اننا نقرب
من بعض ويوم ما تقولىلى انك بتحبنى هيكون اسعد يوم فى

.....حیاتی

شهد: طیب تصبح علی خیر

معتصم: احلمی بیه

شهد ضحكت وقالت: انا مش بحلم، تصبح على خير

دخلت شهد عشان تمام وفضل معتصم واقف فى البلکونه يفکر ازای

يُخْلِى شَهِدَ تَحِبَّه

شهد غیرت ہدومہا ونامت عالسریر وہی بتفکر فی کلام معتصم

وفضلت تفكر معقول يكون حبها بجد؟؟؟؟؟؟؟؟؟؟؟؟؟؟؟؟؟؟؟؟

تانی یوم صحیت شهد بدری ولبست جیبیه لونها احمر واسعه وقصیره

وعلیها بلوزہ بیضا مرسوم علیها قلب احمر وفردت شعرها ونزلت تحت

لَقِيتَ مَدَامَ أَحْلَامَ قَاعِدَهُ بِتَشْرِبِ قَهْوَتِهَا:

شهد: صباح الخير يا طنط

احلام: صباح الخير يا حبيبتى ،ايه اللي صحاكى بدرى؟

شہد: عادی

احلام: اخبار معتصم ايه؟

شهد وشها احمر وقالت: كويس

احلام:ها حلّيتوا المشاكل اللى بينكوا ؟

شهد: بنحاول نفهم بعض لسه

احلام: بصي يا شهد معتصم انسان محترم واخلاقه ممتازه انا اعرفه من
ساعة ما كان بيتدرب في الشركه وكان دايمًا قد المسؤوليه

شهد: بس انا خايفه من مشاعري ناحيته

احلام: خدي وقتك وفكري براحتك والقرار في الآخر ليكي لوحدة
سرحت شهد وقعدت تفكر في كلام احلام وهي سرحانه لقيت في حد قعد
جنبها لقيت معتصم جه ولابس شورت اسود وتيشيرت ابيض وكوتشي
ابيض وقالهم:

معتصم: صباح الخير

احلام: صباح الخير

شهد: صباح الخير

معتصم: تحبي نعلمي ايه انهارداه يا شهد عقبال معاد المعرض بالليل؟

شهد: مش عارفه

معتصم: ايه رأيك نركب بيتش باجي ؟

شهد :او كيه

واستأذنوا من احلام انهم بعد الفطار هيروحوا يركبوا بيتش باجي
واحلام وافقت وبعد الفطار راحوا وكل واحد فيهم لبس النظاره الشمس
عشان الرمله وابتدى معتصم يقول لشهد انها تمشي براحه عشان ده
اول مره ليها وفضل ماشي جنبها واول ما شهد حست انها اتعلمت
سافت بسرعه ومعتصم خاف عليها اوي ووقف وخلاها تقف وقالها
وهو متعصب:

معتصم: ايه يا شهد بتسوقي بسرعه ليه كده ممكن تقعي

شهد: ماتخافش عليه انا اتعلمت خلاص

معتصم: معلش يا شهد خلي بالك

شهد: حاضر بس متكشرش كده

معتصم: انا بخاف عليك اوي

شهد: طب ما انا عارفه (وقعدوا يضحكوا وكمّلوا سواقه).....
وبالليل جه معاد المعرض ولبست شهد بدله سودا جاكتها قصير وتحتها
قميص احمر ساتان وفردت شعرها وحطت ميك اب خفيف ونزلت لقيت
معتصم مستتيها ولايس بدله سودا وقميص ابيض وكرافت سودا وفيها
خطوط بيضا واول ما وصلت عنده مسك ايديها وباسها ودخلوا بعض
للمعرض وابتدوا يشتغلوا وكان كل ما يبعدوا عن بعض يفضلوا يبصوا
لبعض وعدى الاسبوع ورجعوا القاهره وابتدت مرحله جديده في علاقة
معتصم وشهد.....

رجعت شهد القاهره هي واحلام ومعتصم وابتدت علاقة شهد ومعتصم
تبقى اقوى كل يوم يكلمها عالموبايل يصحياها من النوم ويعدي عليها
يروحووا الشركه سوا و وقت الشغل بينهم تفاهم كبير جدا وابتدت شهد
تفهم كل الشغل وزاد اعجاب معتصم بشخصيتها وجه يوم بعد الشغل
قالها:

معتصم:شهد انتي معزومه عندنا في البيت على العشا

شهد:بمناسبة ايه يا ترى؟

معتصم:انا كلمتهم عنك وهما نفسهم يشوفوكي

شهد:طب مش المفروض اننا نتقابل برده احسن

معتصم:اصل بابا تعبان ومش بيخرج كثير

شهد:طيب العشا الساعه كام؟

معتصم:الساعة 8 هدي عليكي

شهد:اوكيه

و روجت شهد البيت وحكت لاحلام عن موضوع العزومه واحلام
استغربت موضوع العزومه بس مرضيتش تقلق شهد عشان شافتها
فرحانه فقالتلها روجي بس خلي بالك اخته مش سهله ابدأ ففضلت شهد
قلقانه من موضوع اخته وخافت انها تضايقها بالكلام وشهد مبتعرفش
ترد على اي حد بيضايقها.....

الساعة 8 اتصل معتصم بشهد وقالتها انه وصل تحت العماره ونزلت
شهد وكانت لابسه فستان اصفر كات وطويل وعليه صاندال ابيض
وشنطه بيضا وكانت فارده شعرها وحاطه ميك اب رقيق واول ما ركبت
العربيه معتصم قالها:

معتصم:زي القمر يا شهد

شهد:متشكره،ممكن تكلمني شويه عن باباك واختك

معتصم:بابا يا ستي راجل ابتدى من الصفر وكون الشركه ده واول ما
انا كبرت ارتاح هو وانا مسكتها اما بقى فيروز اختي فهي خريجه
الجامعه الامريكيه ودلوعه العيله و بحبها جدا جدا.

شهد:ربنا يخليكوا لبعض

وبعد نص ساعه لقيت شهد معتصم وقف بالعربيه ادام فيلا جميله جدا
وركن ونزل فتحلها الباب ونزلت شهد وكان قلبها بيدق اوي.....
وقف معتصم وشهد عند الباب وقبل ما يرنوا الجرس الباب اتفتح
ووقفت بنت زي القمر تبص لشهد من فوق لتحت فمعتصم قال:
معتصم:اقدملك فيروز اختي ، اقدملك شهد يا فيروز فتاة احلامي

شهد:تشرفنا

فيروز:اهلا بيكي اتفضلوا ادخلوا

دخلوا كلهم على الصالون وقعدوا يتكلموا عن الدراسه وبعد شويه جه
والد معتصم وسلم بطريقه كويسه جدا على شهد وقال:

فيروز: انتي بتحبي معتصم؟

شهد: لسه مش متأكده

فيروز: طب هو بيحبك؟

شهد: هو قالي كده

فيروز: طب خلي بالك عشان معتصم كل كام يوم بيقول لواحد انه
بيحبها

وقامت وسابت شهد لوحدها تفكر في كلامها وجه معتصم يقعد معاها
وقالها:

معتصم: ها اتصاحبتى انت وفيروز؟

شهد: اه دي لطيفه اوي

معتصم: وايه رأيك في بابا؟

شهد: حنين اوي ربنا يخليهولك

معتصم: قررت مشاعرك ايه من ناحيتي ولا لسه؟

شهد بصتلته وهي خايفه من كلام فيروز وحست انها محتاجه تقعد
لوحدها ففضلت ساكته مش عارفه تقول ايه ومعتصم افكرها مش
بتحبه فزعل جدا وسكت

وشهد طلبت منه يوصلها البيت وسلمت على باباه واخته وطول الطريق
متكلموش ولا كلمه وعند العماره قالتله:

شهد: متشكره على السهره الحلوه ده

معتصم: تصبحي على خير يا شهد

وساق العربيه بسرعه ووفضلت شهد تبص عليه لغاية ما بعد عن
عينها ولقيت دموعها بتنزل بس معرفتش هي بتعيط

ليه؟؟؟؟؟؟؟؟؟؟؟؟؟؟؟؟؟؟؟؟

يا ترى ايه اللي هيحصل ؟؟؟؟؟؟

طلعت شهد البيت ولقيت احلام مستنياهما واول ما شافتها قالت:

احلام: بتعطي ليه؟ ايه اللي حصل؟

شهد: مفيش حاجه اصل معتصم زعل مني

احلام: ليه؟

وحكتلها شهد اللي حصل واحلام فضلت ساكته شويه وبعدين قالتلها:

احلام: يا حبيبتي انا اكبر منك بكثير وهقولك على حاجه مهمه جدا

الانسان بيقابل الحب الحقيقي مره واحده في حياته ولو ما تمسكش بيه

هيفضل طول عمره منغير حب، ممكن تعجبي بشباب كتير ويعجب بيكي

شباب اكر لکن تقابلي انسان يحبك حب زي حب معتصم مش متهيألي

هيتكرر تاني

شهد: بس اخته قالت.....

احلام: يعني معقوله انت مخدتيش بالك انها غيرانه على اخوها

شهد: غيرانه مني انا؟

احلام: فيروز ده مدلعه ومغروره واكيد مش عايزه واحده تشاركها حب

اخوها وباباها

شهد: معقوله للدرجه ده؟

احلام: واكثر من كده

شهد: طب واعمل ايه عشان معتصم يعرف اني بحبه؟

احلام: اتصرفي زي ما قلبك يقولك واكيد هتعرفي ازاي توصليله حبك
شهد استأذنت ودخلت اوضتها وفضلت تفكر ازاي تخلي معتصم
يصالحها ويعرف انها بتحبه بس كانت متردده عشان كلام
اخته.....

تاني يوم الصبح وصلت شهد الشركه واستنتت معتصم لما يجي بس
لقيته اتأخر اوي عن معاده فقلقت عليه واتصلت بيه:

شهد: الو

معتصم: ايوه يا شهد

شهد: انت اتأخرت ليه؟

معتصم: مش هقدر آجي انهارده

شهد: انت تعبان؟

معتصم: شويه

شهد: طب ممكن اشوفك

معتصم: كان نايم على السرير وقام قعد وقالها: تشوفيني؟

شهد: ايوه عايزه اكلمك في موضوع مهم

معتصم: سكت شوه وقالها: طب تحبي امتي وفين؟

واتفقوا يتقابلوا في كافيه المهندسين الساعة 8 بالليل وقفلوا وهما

مستنين بالليل يجي بسرعه.....

الساعة 8 دخل معتصم الكافيه وكان لابس بنطالون ابيض وقميص

كحلي وشوز بني و فضل يدور على شهد ومش لاقوها وبعد شويه

النور هدي في المحل خالص وابتدت تتعزف موسيقى لاغنية اصاله

(بين ايديك) وسمع صوت شهد بتغني كاريوكي على اللحن) بين ايديك

انا بنسى روي بين ايديك ..صعب اعيش في الدنيا ديه الا بيك ..كل يوم

بيفوت عليه حبي ليك بيزيد شويه محتاجالك جنب مني اوعى ليله

تغيبها عني).....

وفضل كل الناس يتفرجوا على شهد وهي بتقرب من معتصم وكانت

لابسه جينز ازرق ضيق وعليه بادي اسود حمالات وفيه خطوط فضي
وصاندال فضي وفارده شعرها ولما وصلت عند معتصم ابتدوا يرقصوا
والاغنيه بقت بصوت اصاله ورقصوا سلو وكل اللي في الكافيه عملوا
دايره حواليههم وفضل معتصم سكت ومش مصدق نفسه وحس انه
بيحلم وشهد كانت فرحانه ان احساسها وصل لمعتصم وبعد الاغنيه ما
خلصت الناس صقفوا جامد اوي وخرج معتصم وشهد وقعدوا على
ترابيزة في جنبه الكافيه ومعتصم قالها:

معتصم: صوتك جميل اوي

شهد: بجد

معتصم: انت كل حاجه فيكي جميله

شهد: انا بحبك يا معتصم

معتصم: انا مش مصدق انا اكيد بحلم

شهد: لا صدق انا بحبك من مده بس كنت خايفه من مشاعري ناحيتك

عشان اول مره احس بالحب

معتصم: يعني خلاص مفيش خوف ولا شك؟

شهد: خلاص في ثقه ملهاش حدود

معتصم: طيب و تحبي نتجوز امتى ؟

شهد: مش نتخطب الاول

معتصم: نتخطب ايه ؟ هو انا لسه هستنى؟

شهد: انت مستعجل كده ليه؟

معتصم ضحك :لما تكبري هقولك

واتفقوا انهم يتجوزوا اول الشهر وطلب من شهد تحددله معاد مع

اخوها وبالليل وصلها البيت وهما طايرين من

الفرح.....

واول الشهر في فيلا معتصم الساعه 1الظهر ابتدوا المعازيم يوصلوا
عشان يحضروا الفرح اللي كان معمول في الجنينه وكانت مليانه
بالونات حمرا وبيضا وترابيزات عليها مفارش بيضا وفوط حمرا
والكوشه كانت على شكل قلب احمر كبير والكراسي بيضا وفضل
معتصم مستني شهد تنزل وكان لابس بدله بيضا وقميص ابيض
وببيون ابيض وكان متوتر جدا ونزلت شهد وكانت لابسه فستان
كمامه نازله على كتفها ونازل ضيق على الصدر وبعد كده واسع اوي
لتحت وفيه طبقات قماش لونه ابيض وكانت فارده شعرها وحاطه تاج
من الورد الابيض وفيه فروع قصيره خضرا واول ما شافها قرب عليها
ومسك ايديها وابتدت الموسيقى تعزف اغنية (كفايه نورك عليه)
لعبدالحليم حافظ ورقصوا عليها وبعدين ابتدئ المعازيم يرقصوا معاهم
وشهد شافت من بعيد شيماء مرات اخوها واقفه بتبصلها من بعيد
وكانت مش فرحانه بس شهد خلاص نسيت كل اللي حصل في حياتها
قبل ما تقابل معتصم وضحككتلها وكمان فيروز اخت معتصم جت سلمت
على شهد وقالتلها:

فيروز:خلي بالك من معتصم ده اغلى حاجه عندي
شهد:متقلقيش ده بقى اغلى حاجه في حياتي انا كمان
وحضنوا بعض وحست شهد ان فيروز هتكون زي اختها وطول الوقت
كانت احلام جنب شهد عشان لو احتاجت حاجه وبعد الفرح ما خلص
ركب معتصم وشهد العربيه وراحوا يقضوا اسبوع في فندق الهيلتون و
واول ما طلعاوا الاوضه بصلها معتصم وقالها:

معتصم:يااااااه اخيرا يا شهد

شهد:اخيرا يا حبيبي

معتصم:ايه؟

شهد:يا حبيبي

معتصم شالها وفضل يلف بيها ويضحكوا وبعدين نزلها براحه على

النهـاية